

## Тазкия дарслари (206-дарс) тавҳиднинг ўрни



00:00 / 27.11.2022 3251

**«Лаа илааха иллаллоҳу» - «Аллоҳдан бошқа илоҳ (ибодатга сазовор зот) йўқ».**

Ушбу калима тавҳид калимаси бўлиб, барча набийлар ўз умматларини шунга даъват қилган. Ушбу калима ила киши ширк зулматидан чиқиб, иймон нурига киради.

Далиллар:

﴿الرَّحْمَنُ الرَّحِيمُ هُوَ إِلَٰهٌ لَا يُدْعَىٰ إِلَهُهُ وَإِلَهُكُمْ﴾





**«Набий соллаллоҳу алайҳи васалламнинг ҳузурларига бир одам келиб:**

**«Эй Аллоҳнинг Расули, икки вожиб қилувчи нима?» деди. Ул зот:**

**«Ким Аллоҳга ҳеч нарсани ширк келтирмаган ҳолда ўлса, жаннатга кириши, ким Аллоҳга бирор нарсани ширк келтирган ҳолда ўлса, дўзахга кириши», дедилар»**

*Муслим ривоят қилган.*

Яъни икки сифат икки нарсани вожиб қилар экан. Шу икки сифат бўлса, ортидан икки нарса келиши аниқ экан.

«Ўша икки сифат нима?» деган саволга Расулуллоҳ соллаллоҳу алайҳи васаллам қисқа ва қониқарли жавоб бердилар:

1. «Ким Аллоҳга ҳеч нарсани ширк келтирмаган ҳолида ўлса, жаннатга кириши» вожиб бўлади.

Яъни, муваҳҳид – Аллоҳга ҳеч нарсани ширк келтирмаган ҳолда ўлиш. Бу сифат жаннатга киришни вожиб қилади. Бунга эга бўлган одам жаннатга кирмай қолмайди. Гуноҳига яраша дўзахда жазосини олганидан кейин бўлса ҳам албатта жаннатга киради.

2. «Ким Аллоҳга бирор нарсани ширк келтирган ҳолда ўлса, дўзахга кириши» вожиб бўлади.

Ундай одам дўзахга кирмай қолмайди, чунки Аллоҳ таоло Ўзига ширк келтиришни асло кечирмаслигини қатъий равишда таъкидлаган.

***«Руҳий тарбия» китоби асосида тайёрланди***